

六字神呪經

唐三藏法師菩提流志譯



南無本師釋迦牟尼佛

說明

本繁體校正版《六字神呪經》電子書，根據《乾隆大藏經》大乘五大部外重譯經，第 0327 部，唐三藏法師菩提流志譯《六字神呪經》原藏影印本校正，句讀僅供參考。

本電子書是免費結緣品。特此說明。

仁慧草堂

二〇一九年八月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶.

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誚誚曩. 三婆嚩. 禡日囉斛.

南無本師釋迦牟尼佛（合掌三稱）

開經偈

（一編）

無上甚深微妙法 百千萬劫難遭遇
我今見聞得受持 願解如來真實義

六字神呪經¹

出集經第六卷內與
文殊根本經中呪同

唐三藏法師菩提流志譯²

唵 婆髻馱那^{上聲}莫

此文殊師利六字呪功德³，我今欲說。

若有持此呪欲成就者，或食乳糜、或食菜、或食果、食乳，應食此食；日別三時洗浴：謂入五更以後爲初時、午時已後是第二時、黃昏已後至初夜爲第三時，於此三時各一度洗浴；各別著一具淨衣，是故亦須三具淨衣；誦呪令滿六十萬遍。此爲最初承事供養文殊。

又若欲受持成就者，先須畫文殊師利像。其畫像法：取好白氎⁴，勿令有毛髮，亦不得割斷纏縷。采⁵色不得用膠，應以香汁和畫。其文殊師利像，蓮華座上結加⁶趺坐，右手作說法手，左手於懷中仰著。其像身作童子形，黃金色；天衣作白色，遮臍已下，餘身皆露；首戴天冠，身珮瓔珞，臂印釧等衆事莊嚴。左

¹ 大正藏：六字神呪經

² 大正藏：南天竺國三藏菩提流志奉 詔譯

³ 大正藏：能；永樂北藏及龍藏：德

⁴ 大正藏：氎；永樂北藏及龍藏：氎

⁵ 大正藏：彩；永樂北藏及龍藏：采

⁶ 大正藏：跏；永樂北藏及龍藏：加

廂畫觀世音像，其身白銀色，瓔珞衣服莊嚴如常，坐蓮華上結加⁷趺坐，右手執白拂。右廂畫普賢菩薩像，其身金色，瓔珞莊嚴如常，亦坐蓮華座，右手執白拂。於文殊上空中兩邊，各作一首陀會天，手執華鬘，在空雲內唯現半身，手垂華鬘。於文殊像下右邊，畫受持呪者，右膝著地，手執香爐。其文殊師利等所坐華下，遍畫作池水。其菩薩像兩邊，各畫在山峯。其畫師從起首欲畫之時，即日日受八戒、洗⁸浴、著淨衣而畫。乃至畫了，若有舍利塔，即安文殊像在塔西面，像面向西。若無大塔，應以小塔安。文殊像前，以面向西，設種種華、種種飲食、果子等，三時供養。道場內，然酥燈。其道場要須在寂靜處，唯令一人供給。

若正在道場誦呪時，所須華香等彈指而索，不得出言。取沉水香，截爲長二指；都盧婆香油^{蘇合香稀者是}、無烟佉陀羅木炭若無，以紫檀木替；又以沉香內前油中，於像前佉陀⁹羅木炭火中燒盡一夜，至明相出已，即見文殊師利，所有求願，皆悉滿足。除婬欲事，自外悉皆不違所

⁷ 大正藏：跏；永樂北藏及龍藏：加

⁸ 大正藏：洒；永樂北藏及龍藏：洗

⁹ 大正藏：佉；永樂北藏及龍藏：佉陀

求。

又法：於像前取旃檀，截斷長二指，還晝夜燒供養。是時，文殊師利即現身，當爲說法。所有身患皆悉除愈，得菩薩地自在。

又法：於像前以瞿摩夷塗地，散衆名華。行者於塗地場內一邊坐，誦呪滿一百八遍，經一月，得聰明，持一切經論。

又法：日日隨心常誦莫忘，定受業報亦令消滅。又法：若日別能誦滿一百八遍，臨命終時得見文殊師利，隨心所願皆得受生。

文殊師利爲利益衆生故，於諸功德¹⁰中，略說少許。

六字神呪經

¹⁰ 大正藏：能；永樂北藏及龍藏：德

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫
迦囉嚩吽

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無文殊師利菩薩摩訶薩 (合掌三稱)

南無觀世音菩薩摩訶薩 (合掌三稱)

南無普賢菩薩摩訶薩 (合掌三稱)

禮佛發願文

(一編)

歸命十方調御師 演揚清淨微妙法

三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普

賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

十方三世一切佛。一切菩薩摩訶薩。摩訶般若波羅蜜。

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

南无护法韦驮尊天菩萨

